



**Nivi Olsen, Inatsisartunut ilaasortaq
/Maani**

**Naatsorsueqqissaartarfik pillugu § 37 naapertorlugu apeqquut nr. 135-mut
akissut.**

Asasara Nivi Olsen

Inatsisartut suleriaasianni § 37 naapertorlugu apeqquutit matuma kinguliani allassimasut
nassiuppatit.

Apeqquutit akissutillu matuma kinguliani allassimapput.

**”1. Naalakkersuisut uppersarsinnaanerlugu, misissuineq Kalaallit Nunaanni
Naatsorsueqqissaartarfiup suliarisimasaa siorna decemberimili piareeqqasoq
uninngatiinnarneqarsimasooq, misissuinerlu piareeqqareeraluartoq
saqqummiunneqarsimanngisaannartoq?”**

Akissut:

Nunatsinni aalisakkanik tunisassiat nalingannik misissueqqissaarisooqarnissaanik
qinnuteqaat 2016-imi decemberimi Naatsorsueqqissaartarfimmut tunniunneqarmat
Naalakkersuisut uppersarsinnaavaat.

Suliaq pillugu isummernissamat tunngavissiortoqarnissaa, tassungalu ilanngullugu
misissueqqissaarnerup tamanut saqqummiunneqannginnerani Naalakkersuisunut
saqqummiunneqarnissaa Ukioq manna siusinnerusukkut ilisimatitsissut naatsoq
tunngavigalugu Naalakkersuisut qinnutigaat.

Isummernissamat tunngavissiap nutaap taassuma naammassiniarneqarnera
allaffissornikkut pissutsit pissutigalugit kinguaattoorpoq aammalu
Naatsorsueqqissaartarfimmi siulersuisut naliusut pillugit misissueqqissaarneq ulloq 10.
maj 2017-ip missaani namminneq tamanut saqqummiuppaat. Nalunaarusiaq piffissaq
tamanna sioqqullugu ilaatigut KNR-ip nittartagaani piffissami aalajangersimasumi
tamanit takuneqarsinnaasimavoq.

Misissueqqissaarneq tamanut saqqummiunneqarsimannginnersoq Naalakkersuisunit
taamaalilluni uppersarneqarsinnaanngilaq.

**”2. Aningaasaqarnermut Akileraarnermullu Naalakkersuisup, taassuma
naalakkersuisoqarfiata imaluunniit Naalakkersuisuni ilaasortat arlaatigut
pinngitsoortinniarsarisimavaat imaluunniit kinguarsarniarsarisimavaat
misissuinerup pineqartup tamanut saqqummiunneqarnissaa?”**

Brevdato: 30-05-2017
Sags nr.
Akt id. 5459655

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

Apeqqu 1-imut akissut innersuussutigineqarpoq.

”3. Taamaassimangippat: Aningaasaqarnermut Akileraarnermullu Naalackersuisup Kalaallit Nunaanni Naatsorsueqqissaartarfimmut erseqqissaatigissamaarnerlugu, Kalaallit Nunaanni Naatsorsueqqissaartarfik pisussaaffeqarmat ilisimatusarnermi paasisaminik tamanut saqqummiussissalluni, tamannalu pisartussaasoq piiaarnerpaamik kiisalu soorunami pisussaaffik tamanna pisartussaasoq, ilisimatusarnermi paasisat Naalakkesuisunut qanorluunniit nuanniitsigiluarpata?”

Akissut:

Saqqummiussinissamik takussutissiornissamillu pilersaarut suliffeqarfiup nittartagaani tamanit takuneqarsinnaasoq naapertorlugu Naatsorseqqissaartarfiup suliaasa inernerisa tamani takuneqarsinnaanissaat Naalackersuisunit pingaartinneqarpoq.

Tamatuma saniatigut Naatsorsueqqissaartarfik pillugu inatsit naapertorlugu Naalackersuisut Naatsorsueqqissaartarfiullu akornanni attaveqatigiinnerit naalackersuinikkut akulerutinnginnissamik tunngavissap isiginiarneqarnissaa Naalackersuisunit pingaartinneqarpoq.

Kiisalu apeqqu 1-imut akissut innersuussutigineqarpoq.

Aammattaaq § 37 naapertorlugu apeqqu una kingusinaartumik akissuteqarfigineqarmat utoqqatsissutigaa.

Inussiarnersumik inuulluaqqusillunga

Aqqaluaq B. Egede